

La cuminanza italofona dal Grischun

Ina minoritad ch'ins enconuscha memia pauc

DA GUIU SOBIELA-CAANITZ

Cun raschun crititgesch'ins savens ch'ins ignoreschia adina puspè ils Rumantschs en Svizra. Quantas giadas ston ins vegnir grit si per entgin che menziuna ils «trais» linguatgs da la Svizra, schebain ch'el duess savair meglier! Ma quantas persunas en Svizra san ch'il Grischun è triling e ch'in das linguatgs è il talian? L'ignoranza en quest regard sa mussa cun formulazioni sco questa: «Deutschschweizer, Welsche, Tessiner und Rätoromanen» («NZZ» dals 13 da schaner 2009). Tgi che scriva uschia emblida ch'il talian, cun ses dialects lumbards alpins, è da chasa er en parts da noss chantun. Qua ha provocà ina brev da lectur, motivada ed indignada, da députà Martin Jäger (Cuira) publitgada en la «NZZ» dals 20 da schaner. Schizunt Tessinais, mintgatant, ignoreschan nossa cuminanza italofona. Els fan bain part das destinataris principals da l'essai socio-linguistic* ch'il scienzià bergagliot Mathias Picenoni ha gist deditgà a sia minoritad. Ma «tgi che sa rumantsch sa dapli» e sa savens era talian. Perquai astg'ins sperar che la remartgabla lavur da Picenoni chattia era l'interess da tgi che legia. L'autur descriva pliras fassetas da la realitat multifara italofona en noss chantun, cunzunt s'enclegia en las quatter valladas en dumonda, dentant era a Beiva e Malögia, dus vitgs geograficamain orientads encunter nord u nordost, ed a Cuira, nua che Picenoni ha questiunà 73 persunas che studegian u lavuran là. Dus aspects resortan, l'emprim la prevalenza dal dialect sin il linguatg standard en il mintgadi, lura l'assimetria tranter la minoritad, che vul emprender adina dapli tudestg, e la maioritad, ch'emprenda talian mo nauidas e na resguarda duidamain la cuminanza italofona.

Cifras remartgablas

Quants umans cumpiglia questa cuminanza? L'autur sa referescha al dumber da quels che han numnà il talian sco «linguatg principal» dal 2000 tar la dumbraziun dal pievel. Las cifras relativas na resguardan pia betg umans bulings creschids si per talian e che dovrà ussa dapli tudestg; tals datti seguir blers en situaziun da diaspora, per exemplu a Beiva, Cuira e Samedan. Dal 2000 vivevan en Grischun 19 106 persunas cun talian sco linguatg principal, pia 10,2% da la populaziun totala, e 42 901 ch'al duvravan regularmain, pia 22,9%. «Questa cifra è creschida da

passa 3000 unitads [dapi 1990]; ella vegn bain a crescher anc dapli grazia a l'introducziun dal talian sco emprem linguatg ester' en scolas da linguatg rumantsch e [cunzunt] tudestg» (p. 13). En lis sis circuls grischuns uffizialmain italofons dumbra la populaziun 86,7% persunas che han inditgà il talian sco lur linguatg principal. En Bergiaglia, in da lezs circuls, cuntanscha quest linguatg principal 80% da la populaziun en la val sut («Sotto Porta»), pia en las vischancas da Buond, Castasegna e Suogl; en la val sur («Sopra Porta») cunzanscha Visavraun 80,7%, ma Stampa mo 66,1% pervi da sia fracciun parzialmain tudestgada da Malögia sper il Lej da Segl. Questa proporziun è da 29,4% a Beiva, la vischnanca sisum il Surses. L'autur dat anc ils exempels da Puntraschigna e Segl che dumbran dapli umans italofons (353 e 116) che rumantschs (174 e 90).

L'integrazion pretenda il dialect

Il dialect prevala en lis sis circuls en dumonda sco furma linguistica discurrida en famiglia: Mesauc (76,3%), Puschlav (73,9), Calanca (69,4), Roveredo e Brüsich (66,9), Bergiaglia (61). En la professiun perencunter prevala il linguatg standard: Calanca 85,1, Roveredo 84,6, Bergiaglia 79,6, Puschlav e Mesauc 78,3, Brüsich 62,7. En general sa tegnan ils dialects en las valladas sur («Sopra Porta») e circuls da Calanca, Mesauc e Puschlav) meglier ch'en las valladas sut («Sotto Porta» e circuls da Brüsich e Roveredo). En questas davosas inditgesch'ins differents motivs da digren; a Roveredo rinviesch'ins a l'immi-graziun nà dal Tessin e da l'ester, uschiglio a lètgs cun persunas da valladas taliennes limitrofas, confessionualmain maschadadas en il cas da la Bergiaglia refurmada. Ma il dialect resta stimà er en las valladas sut. Picenoni: «Las intervi-stas da famiglias germanofonas e bilin-guas (...) mussan la relevanza das uffants per l'integrazion linguistica. En la Val Puschlav han perditgas confermà ch'ils uffants ils pli vegls surpiglian il tudestg, entant ch'ils pli giuvens discurran pli gugent puschlavin er en famiglia. En Calanca han persunas questiunadas schizunt notà che lur agens uffants refuseschian da discurrer aleman en famiglia per na sa distinguere das cumpogns (...). Curs da dialect per esters en la Val Puschlav ed en Bergiaglia han gì in grond success grazia a la voluntad das immigrads da s'integrar» (p. 94). Cunzunt «a Puschlav è il dialect essenzial per

communitgar, malgrà ina tscherta ten-denza (...) tar famiglias giuvnas a dis-currer talian a chasa» (p. 68). Ma en en Bergiaglia è il dialect essenzial, «per il linguatg standard cur ch'il partenari è italofon» (p. 79). L'autur citescha ina femna da Visavraun: «En ina famiglia dal vitg discurrivan ils geniturs bergia-gliots talian standard cun lur uffants. La glieud da Visavraun ha supplitgà la mamma da discurrer dialect; lur hani midà, e lur uffants l'hant emprendì» (p. 83). Ils italofons da Cuira mantegnan il linguatg en famiglia: «Ses credi è creschì en ils davos decennis, t. a. grazia a l'ini-ziativa da la citad da stgaffir ina scola primara bilingua taliana e tudestga» (p. 109).

La scola da las quatter valladas

La Quotidiana dals 27 da novembre 2008 ha rapportà davart la scola bilin-gua da Malögia, nua che germanofons ed italofons èn cuntsents d'emprender omadus linguatgs. Cun l'excepziun da questa fracciun han lis sis circuls italofons dal Grischun il medem tip da scola che las vischnancas germanofonas, ma cun il talian empè dal tudestg sco linguatg d'instrucziun e cun il rom «tudestg» davent da la quarta classa. Plinavant «han las scolas secundaras da Roveredo e Puschlav introduci in onn da progrimsasi en la terza classa superiura. Quai permetta a la giuventetgna da frequentar la scola media mantegnend il domicil en il vitg» (art. 4 dal decret da 1969 davart las scolas secundaras da vallada cun instrucziun pussaivla da progrimsasi) (...). Questa classa fre-quenta in curs intensiv da tudestg avant ch'entrar directamain en la quarta clas-sa d'in gimnasi grischun. La scola da Roveredo porscha ina seconda spezialità, numnadamaun duas classas da progrimsasi, ina che prepara per la Scola [chantunala] da Cuira, cun uras da tudestg en pli, e l'autra che prepara per quella da Bellinzona e sposta la priori-tad dal tudestg al franzos» (p. 142). 2004 ha il cussegli grond vuli scumbigliar l'instrucziun linguistica cun la de-cisiun malponderada, «cun 51 vuschs encunter 46, d'introducir l'englais sco emprim linguatg ester ed in linguatg chantunal [pir] sco segund linguatg ester en la scola primara» (p. 145). 2007 ha la regenza perencunter propo-nì d'introducir l'englais «cun traus uras d'instrucziun pir en 5avla e cun quat-ter davent da la 7avla» (p. 147). Ella ha fatg attent ch'i fiss in grond dischavan-tatg per uffants da scolas primaras ru-mantschas ed italofonas d'entschaiver

pli tard cun il tudestg, cunzunt sch'i stuessan midar scola. In argument di-dacticamain incontestabel è vegnì ils 21 da zercladur 2007 dal cussegli naziunal, nua che nossa parlamentaria Brigitta Gaident ha declarà: «Igl è pli grev d'emprender franzos, talian e tudestg che l'englais» (cità p. 145); perquai duain ins introducir in segund linguatg naziunal avant l'englais.

Sa perfecziunar en tudestg

Quai correspunda al giavisch general da la minoritad italofona d'emprender dapli tudestg a scola e d'al savair meglier, perquai che la part principala da sia giuventetgna vegg scolada per la professiun ordaifer sias valladas. Il questiunari da Picenoni conferma che sia cuminanza vul dapli instrucziun tu-destga: «La pretensiun d'emprender tu-destg meglier u dapli è savens colliada cun la remartga che la diglossia 'dialect – linguatg standard' en il Grischun germanofon muntia ina greva sfida per uffants italofons; lezs emprendan a scola ina furma linguistica che n'è betg quel-la ch'ins discorra nua ch'i vegnan lura scolads per la professiun. Ina Mesolci-naisa commentescha: 'Tenor mia expe-rientscha dovr'ins adina dapli aleman era cun nus italofons. Schizunt tar la magistraglia da la scola chantunala dati tgi ch'al discorra cun la giuventetgna da nossas valladas. Quai ma para ina tendenza che vegg da la Svizra germanofona, nua che nagin na respunda per tudestg standard ad in uman d'auter linguatg' (...). Ina Portugaisa da Malögia di: 'Jau maneg ch'ins duaja esser bi-ling, cun talian e tudestg, davent dal prim onn da scolina, perquai che noss uffants ston ir vinavant a scola'» (p. 152). Ma la brama da savair meglier tudestg ha motivs pli profunds. Tgi che legia vegg forsa a sa smirveglier da la moda e maniera co ch'in Grischun italo-fon questiunà da Picenoni exprima-sia envilgia visavi a la Rumantschia: «Ils Rumantschs sa chattan en ina situaziun bler pli favuraivla, perquai ch'i n'è betg propri monolings (...). Ils Grischuns italofons èn monolings per excellenza (...). Ils Rumantschs peren-contrer han avantatgs objectivs perquai ch'els sco Grischuns discurran in ale-man perfect; uschia vegnan els reno-nuschiids sco vairs Grischuns, pia vairs Svizzers. Lura s'enclegia ch'i san era tu-destg standard; perquai sani ordvart tgunsch emprender l'englais che sume-glia fitg al tudestg. Plinavant, grazia al rumantsch, sani ordvart tgunsch em-prender er ils linguatgs neolatins» (cità

p. 15). Pia, tgi che sa rumantsch... I fiss simpel per in Rumantsch da replitgar ch'ils italofons possedan l'avantatg d'in linguatg standard furmà al pli tard avant settschient onns, cur che Dante Alighieri (1265–1321) ha scrit ses capodovra. Ma Picenoni mussa ch'il mintgadi d'in Grischun italofon n'è betg adina simpel, e quai gist pervi dal linguatg.

«Risguard pretenda per tiu peitratg!» (Muoth)

Ils umans questiunads da l'autur criti-geschan generalmain ils emploids chantunals perquai che blers na sapchan betg talian e che «las traducziuns da texts uffizials sajan prontas memia tard sch'ins cumpareglia cun ils originals tu-destgs» (p. 167). In Puschlav: «Tenor mai per il chantun datti mo in linguatg uffizial, il tudestg – era cun ils mezs d'instrucziun ed auters texts translatads fitg mal cun l'idea che nus sajan ils davos – Puschlav, quai munta gea mo quatter chasettas. Mintgatant na res-guard'ins betg avunda linguatgs che n'è betg il tudestg u meglier l'aleman (...). Cur ch'in italofon va en la Svizra germanofona, sto'l discurrer aleman, ma sch'in Svizzer germanofon vegg en nossas valladas, discurral a tuttavia tu-destg» (cità p. 168). Il cussegli da l'Europa admonescha ch'ins duaja «sen-sibilisar la maioritad germanofona als dus linguatgs regiunals u da minoritads discurrids en il chantun» (cità p. 170). La descripziun da Picenoni maina a la conclusiun ch'il chantun na resguardia betg duidamain sia minoritad italofona. Questa reagescha cun dar la prioritad ad in studi pli profund dal tudestg, ma quai «maina al privel ch'ins stgassia spiertas spezialas per l'etnia italofona» (p. 200). La decisiun dal cussegli grond dal 2004 da dar prioritad a l'introducziun da l'englais manifesta cleramain ina chapientscha manglusa da la mai-oritad visavi las minoritads neolatinas dal chantun; per cletg ha la regenza reagì en chaussa. Ins po concluder cun Picenoni: «Malgrà las finamiradas cuntanschidas areguard la politica da scola, duai la minoritad intensifitgar sias fadias per vegnir pli palaisa en il rest dal chantun, e per defender ses agens dretgs e cunzunt quel da communitgar en ses linguatgs cun l'administrazione publica e da disponer da vistas adualas areguard la scola e la professiun» (p. 203).

* Mathias Picenoni, *La minoranza di confine grigionitaliana. Cuira (Bündner Monatsblatt, ISBN 978-3-905342-45-1) 2008.*